

王云度 撰

下

秦汉史编年

下 卷

东汉史编年目录

汉光武帝	691
建武元年(25) / 691 建武二年(26) / 704 建武三年(27) / 711	
建武四年(28) / 715 建武五年(29) / 718 建武六年(30) / 727 建武七年(31) / 731 建武八年(32) / 733 建武九年(33) / 735 建武十年(34) / 737 建武十一年(35) / 738 建武十二年(36) / 742 建武十三年(37) / 745 建武十四年(38) / 748 建武十五年(39) / 748 建武十六年(40) / 750 建武十七年(41) / 751 建武十八年(42) / 753 建武十九年(43) / 754 建武二十年(44) / 757 建武二十一年(45) / 759	
建武二十二年(46) / 760 建武二十三年(47) / 761 建武二十四年(48) / 762 建武二十五年(49) / 763 建武二十六年(50) / 766 建武二十七年(51) / 768 建武二十八年(52) / 770 建武二十九年(53) / 772 建武三十年(54) / 772 建武三十一年(55) / 772 中元元年(56) / 773 中元二年(57) / 775	
汉明帝	780
永平元年(58) / 780 永平二年(59) / 781 永平三年(60) / 783	
永平四年(61) / 786 永平五年(62) / 787 永平六年(63) / 789 永平七年(64) / 790 永平八年(65) / 790 永平九年(66) / 793 永平十年(67) / 794 永平十一年(68) / 794 永平十二年(69) / 796 永平十三年(70) / 798 永平十四年(71) / 799 永平十五年(72) / 801 永平十六年(73) / 802 永平十七年(74) / 805 永平十八年(75) / 807	
汉章帝	811
建初元年(76) / 811 建初二年(77) / 813 建初三年(78) / 815	

建初四年(79) / 816 建初五年(80) / 819 建初六年(81) / 821 建初七年(82) / 821 建初八年(83) / 823 元和元年(84) / 826 元和二年(85) / 831 元和三年(86) / 836 章和元年(87) / 838 章和二年(88) / 841

汉和帝 847

永元元年(89) / 847 永元二年(90) / 849 永元三年(91) / 851

永元四年(92) / 853 永元五年(93) / 859 永元六年(94) / 861 永元七年(95) / 863 永元八年(96) / 864 永元九年(97) / 865 永元十年(98) / 869 永元十一年(99) / 869 永元十二年(100) / 870 永元十三年(101) / 872 永元十四年(102) / 874 永元十五年(103) / 878 永元十六年(104) / 879 元兴元年(105) / 880

汉殇帝 883
延平元年(106) / 883

汉安帝 889

永初元年(107) / 889 永初二年(108) / 893 永初三年(109) / 896
永初四年(110) / 898 永初五年(111) / 902 永初六年(112) / 903 永初七年(113) / 904 元初元年(114) / 905 元初二年(115) / 907 元初三年(116) / 911 元初四年(117) / 912 元初五年(118) / 914 元初六年(119) / 915 永宁元年(120) / 917 建光元年(121) / 919 延光元年(122) / 926 延光二年(123) / 929 延光三年(124) / 931 延光四年(125) / 935

汉顺帝 941

永建元年(126) / 941 永建二年(127) / 946 永建三年(128) / 950
永建四年(129) / 951 永建五年(130) / 953 永建六年(131) / 954 阳嘉元年(132) / 955 阳嘉二年(133) / 963 阳嘉三年(134) / 969 阳嘉四年(135) / 970 永和元年(136) / 971 永和二年(137) / 972 永和三年(138) / 974 永和四年(139) / 975 永和五年(140) / 977 永和六年(141) / 978 汉安元年(142) / 982 汉安二年(143) / 984 建康元年(144) / 985

汉冲帝	990
永熹元年(145) / 990	
汉质帝	994
本初元年(146) / 994	
汉桓帝	998
建和元年(147) / 998 建和二年(148) / 1002 建和三年(149) / 1002 和平元年(150) / 1005 元嘉元年(151) / 1010 元嘉二年(152) / 1013 永兴元年(153) / 1014 永兴二年(154) / 1015 永寿元年(155) / 1016 永寿二年(156) / 1018 永寿三年(157) / 1019 延熹元年(158) / 1021 延熹二年(159) / 1023 延熹三年(160) / 1029 延熹四年(161) / 1031 延熹五年(162) / 1033 延熹六年(163) / 1035 延熹七年(164) / 1038 延熹八年(165) / 1040 延熹九年(166) / 1045 永康元年(167) / 1051	
汉灵帝	1056
建宁元年(168) / 1056 建宁二年(169) / 1063 建宁三年(170) / 1071 建宁四年(171) / 1072 熹平元年(172) / 1073 熹平二年(173) / 1076 熹平三年(174) / 1076 熹平四年(175) / 1077 熹平五年(176) / 1079 熹平六年(177) / 1080 光和元年(178) / 1082 光和二年(179) / 1085 光和三年(180) / 1090 光和四年(181) / 1091 光和五年(182) / 1093 光和六年(183) / 1094 中平元年(184) / 1094 中平二年(185) / 1103 中平三年(186) / 1107 中平四年(187) / 1108 中平五年(188) / 1110 中平六年(189) / 1113	
汉献帝	1123
初平元年(190) / 1123 初平二年(191) / 1128 初平三年(192) / 1135 初平四年(193) / 1143 兴平元年(194) / 1148 兴平二年(195) / 1153 建安元年(196) / 1161 建安二年(197) / 1176 建安三年(198) / 1184 建安四年(199) / 1191 建安五年(200) / 1200 建安六年(201) / 1212 建安七年(202) / 1213 建安八年(203) / 1215 建安九年(204) / 1218 建安十年(205) / 1223 建安十一年(206) / 1228 建安十二年(207) / 1229 建安十三年(208) / 1235 建	

安十四年(209) / 1251 建安十五年(210) / 1254 建安十六年
(211) / 1260 建安十七年(212) / 1266 建安十八年(213) / 1271 建
安十九年(214) / 1276 建安二十年(215) / 1284 建安二十一年
(216) / 1290 建安二十二年(217) / 1293 建安二十三年(218) / 1298
建安二十四年(219) / 1300 建安二十五年、汉献帝延康元年、魏文帝黄
初元年(220) / 1312

附录一：东汉史分期刍议	1319
附录二：东汉帝后表	1327

下 卷

东汉史编年

汉光武帝(25—57 年在位)

公元 25 年 汉光武帝建武元年、汉淮阳王更始三年、
隗嚣汉复三年、公孙述龙兴元年、刘盆子建世元年

正月，更始将斩孺子婴。四月，公孙述称帝。六月，刘秀即帝位于鄗，改元建武。赤眉立刘盆子为天子。九月，赤眉入长安，刘玄奔高陵。光武帝封刘玄为淮阳王。十月，光武帝定都洛阳。刘玄降赤眉。十一月，刘永称帝于睢阳。赤眉杀刘玄。隗嚣据陇右。窦融据河西。卢芳据安定。

正月，平陵今陕西咸阳西北人方望立前孺子刘婴为天子。初，望见更始政乱，度其必败，谓安陵今陕西咸阳东北人弓林等曰：“前定安公婴……尝为汉主。今皆云刘氏真人，当更受命，欲共定大功，何如？”林等然之，乃于长安求得婴，将至临泾今陕西泾川北立之。聚党数千人，望为丞相，林为大司马。更始遣李松与讨难将军苏茂等击破，皆斩之。又使苏茂拒赤眉于弘农今河南灵宝北，茂军败，死者千余人。（《后汉书·刘玄传》。本卷下引《后汉书》仅列篇名）

赤眉樊崇、徐宣二部俱至弘农，与更始诸将连战克胜，众遂大集。乃分万人为一营，凡三十营，营置三老、从事各一人。（《刘盆

子传》)

邓禹自箕关今河南济源西将入河东，河东都尉守关不开，禹攻十日，破之，获辎重千余乘。进围安邑。（《邓禹传》）

三月，更始遣李松会朱鲔与赤眉战于蓴乡，蓴音莫老反。《字林》云：“毒草也。”因以为地名。《续汉志》弘农有蓴乡。《东观记》曰：“徐宣、樊崇等入至弘农枯松山下，与更始将军苏茂战。崇北至蓴乡，转至湖。”湖即湖城县也。以此而言，其地盖在今虢州湖城县之间。松等大败，弃军走，死者三万余人。（《刘玄传》）

蜀地肥饶，兵力精强，远方庶士多往归之，邛、笮君长皆来贡献。李熊复说公孙述曰：“今山东饥馑，人庶相食；兵所屠灭，城邑丘墟。蜀地沃野千里，土壤膏腴，果实所生，无谷而饱。左思《蜀都赋》曰：“户有橘柚之园。”又曰：“瓜畴芋区。”女工之业，覆衣天下。左思《蜀都赋》曰：“百室离房，机杼相和。”名材竹干，器械之饶，不可胜用。竹干，竹箭也，内盛曰器，外盛曰械。又有鱼盐铜银之利，丙穴出嘉鱼，在汉中。蜀有盐井，又有铜陵山，其朱提界出银。浮水转漕之便。北据汉中，杜褒、斜之险；东守巴郡，拒捍关之口；地方数千里，战士不下百万。见利则出兵而略地，无利则坚守而力农。……今君王……宜即大位，使远人有所依归。”……建武元年四月，公孙述遂自立为天子，号成家。以起成都，故号成家。《后汉书集解》先谦曰：“以成为国号也，与袁术称仲家同义。”下引《后汉书集解》仅称《集解》。色尚白。建元曰龙兴元年。以李熊为大司徒，以其弟光为大司马，恢为大司空。改益州为司隶校尉，蜀郡为成都尹。

越巂任贵亦杀王莽大尹而据群降。（《公孙述传》）

光武北击尤来、大抢、五幡于元氏今河北元氏西北，追至右北平，连破之。北平县，属中山国，今易州永乐县也。臣贤案：《东观记》、《续汉书》并无“右”字，此加“右”误也。营州西南别有右北平郡故城，非此地。又战于顺水北，郦道元《水经注》云：“徐水经北平县故城北，光武追铜马、五幡，破之于顺水，即徐水之别名也。”乘胜轻进，反为所败。贼

追急，短兵接，光武自投高岸，遇突骑王丰，下马授光武，光武抚其肩而上，顾笑谓耿弇曰：“几为虏嗤。”弇频射却贼，得免。士卒死者数千人，散兵归保范阳今河北徐水北。军中不见光武，或云已歿，《东观记》曰：“上已乘王丰小马先到矣，营门不觉。”诸将不知所为。……众恐惧，数日乃定。贼虽战胜，而素慑大威，客主不相知，夜遂引去。大军复进至安次今河北安次西北，与战，破之，斩首三千余级。贼入渔阳，乃遣吴汉率耿弇、陈俊、马武等十二将军追战于潞今山西潞城东北东，及平谷今河北平谷东北，大破灭之。《耿弇传》云：“斩首万三千。”

朱鲔遣讨难将军苏茂攻温今河南温县西，冯异、寇恂与战，大破之，斩其将贾强。

于是诸将议上尊号。马武先进曰：“天下无主。……宜且还蓟即尊位，乃议征伐。……”光武惊曰：“何将军出是言？可斩也！”武曰：“诸将尽然。”光武使出晓之，使晓谕诸将。乃引军还至蓟。（《光武帝纪》上）

光武南定河内，而更始大司马朱鲔等盛兵据洛阳。又并州未安，光武难其守，问于邓禹……禹曰：“……寇恂文武备足，有牧人御众之才，非此子莫可使也。”乃拜恂河内太守，行大将军事。光武谓恂曰：“河内完富，吾将因是而起。昔高祖留萧何镇关中，吾今委公以河内，坚守转运，给足军粮，率厉士马，防遏它兵，勿令北度而已。”光武于是复北征燕、代。恂移书属县，讲兵肄射，伐淇园之竹，为矢百余万，养马二千匹，收租四百万斛，转以给军。

朱鲔闻光武北而河内孤，使讨难将军苏茂、副将贾强将兵三万余人，度巩河《通鉴胡注》：“河水过巩县北，谓之巩河，即五社津也。”攻温今河南孟州西北。……旦日合战，而偏将军冯异遣救及诸县兵适至，士马四集，幡旗蔽野。恂乃令士卒乘城鼓噪，大呼言曰：“刘公兵到！”苏茂军闻之，陈动，恂因奔击，大破之，追至洛阳，遂斩贾强。茂兵自投河死者数千，生获万余人。恂与冯异过河而

还。自是洛阳震恐，城门昼闭。时光武传闻朱鲔破河内，有顷恂檄至，大喜曰：“吾知寇子翼可任也。”诸将军贺，因上尊号，于是即位。（《寇恂传》）

时更始遣舞阴王李轶、廩丘王田立、大司马朱鲔、白虎公陈侨《东观记》“侨”作“矫”。将兵号三十万，与河南太守武勃共守洛阳。光武帝将北徇燕、赵，以魏郡、河内独不逢兵，而城邑完，仓库实，乃拜寇恂为河内太守，冯异为孟津将军，统二郡军河上，与恂合势，以拒朱鲔等。

异乃遗李轶书曰：“……季文诚能觉悟成败，亟定大计，论功古人，转祸为福，在此时矣。……”初，轶与光武首结谋约，加相亲爱，及更始立，反共陷伯升。虽知长安已危，欲降又不自安。乃报异书曰：“轶本与萧王首谋造汉，结死生之约，同荣枯之计。今轶守洛阳，将军镇孟津，俱据机轴，千载一会，思成断金。《易》曰：‘二人同心，其利断金。’唯深达萧王，愿进愚策，以佐国安人。”轶自通书之后，不复与异争锋，故异因此得北攻天井关今山西晋城南，拔上党两城，又南下河南成皋已东十三县，及诸屯聚，皆平之，降者十余万。……异见其信效，具以奏闻。光武故宣露轶书，《东观记》曰：“上报异曰：‘轶多诈不信，人不得其要领，今移其书。’”令朱鲔知之。鲔怒，遂使人刺杀轶。由是城中乖离，多有降者。鲔乃遣讨难将军苏茂将万人攻温，鲔自将数万人攻平阴以缀异。异遣校尉护军将兵，与寇恂合击茂，破之。异因度河击鲔，鲔走，异追至洛阳，环城一匝而归。

移檄上状，诸将皆入贺，并劝光武即帝位。（《冯异传》）

编者按：光武北击尤来、苏茂攻温、诸将议上尊号，《光武帝纪》载于正月方望立刘婴为天子之后，四月公孙述称天子之前；《通鉴》载于四月之后，光武称帝之前，与《寇恂传》、《冯异传》叙事顺序相符。今从《通鉴》。

光武从蓟还，过范阳，命收葬吏士。至中山，诸将复上奏曰：“……惟大王以社稷为计，万姓为心。”光武又不听。

行到南平棘今河北赵县东南，诸将复固请之。光武曰：“寇贼未平，四面受敌，何遽欲正号位乎？诸将且出。”耿纯进曰：“天下士大夫捐亲戚，弃土壤，从大王于矢石之间者，其计固望其攀龙麟，附凤翼，以成其所志耳。今功业既定，天人亦应，而大王留时逆众，不正号位，纯恐士大夫望绝计穷，则有去归之思，无为久自苦也。大众一散，难可复合。时不可留，众不可逆。”纯言甚诚切，光武深感，曰：“吾将思之。”《耿纯传》云：“是时郡国多降邯郸者，纯恐宗家怀异心，乃使欣、宿归烧其庐舍。……从平邯郸，又破铜马。时赤眉、青犊……十余万众并在射犬，世祖引兵将击之。纯军在前，去众营数里，贼忽夜攻纯，雨射营中，士多死伤。纯勒部曲，坚守不动。选敢死二千人，俱持强弩，各傅三矢，使銛枚间行，绕出贼后，齐声呼噪，强弩并发，贼众惊走，追击，遂破之。驰骑白世祖。世祖明旦与诸将俱至营……世祖曰：‘大兵不可夜动，故不相救耳。军营进退无常，卿宗族不可悉居军中。’乃以纯族人耿伋为蒲吾长，【蒲吾，县名，属常山郡，故城在今恒州灵寿县南。】悉令将亲属居焉。”

行至鄗今河北高邑东南，光武先在长安时同舍生强华《续汉书》曰：“强华，颍川人也。”自关中奉《赤伏符》，曰“刘秀发兵捕不道，四夷云集龙斗野，四七之际火为主”。四七，二十八也。自高祖至光武初起，合二百二十八年，即四七之际也。汉火德，故火为主也。群臣因复奏曰：“……宜答天神，以塞群望。”光武于是命有司设坛场于鄗南千秋亭五成陌。其地在今赵州柏乡县。《水经注》曰：“亭有石坛，坛有圭头碑，其阴云常山相陇西狄道冯龙所造。坛之东，枕道有两石翁仲，南北相对焉。”

六月己未，《集解》惠栋曰：“济阳宫碑作乙未。”即皇帝位。燔燎告天，天高不可达，故燔柴以祭之，庶高烟上通也。禋于六宗，精意以享谓之禋。《续汉志》：“平帝元始中，谓六宗为《易》卦六子之气，水、火、雷、风、山、泽也。光武中兴，遵而不改。至安帝即位，初改六宗为天地四方之宗，祠于洛阳之北，戌亥之地。”望于群神。山林川谷能兴致云雨者皆曰神。不可偏至，故望而祭之。其祝文曰：“皇天上帝，后土神祇，眷顾

降命，属秀黎元，为人父母，秀不敢当。群下百辟，不谋同辞，咸曰：‘王莽篡位，秀发愤兴兵，破王寻、王邑于昆阳，诛王郎、铜马于河北，平定天下，海内蒙恩。上当天地之心，下为元元所归。’谶记曰：‘刘秀发兵捕不道，卯金修德为天子。’卯金，刘字也。《春秋演孔图》曰：“卯金刀，名为刘，赤帝后，次代周。”秀犹固辞，至于再，至于三。群下佥曰：‘皇天大命，不可稽留。’敢不敬承。”于是建元为建武，大赦天下，改鄗为高邑。（《光武帝纪》上）

赤眉进至华阴。军中常有齐巫鼓舞祠城阳景王刘章，以求福助。以其定诸吕，安社稷，故郡国多为立祀焉。盆子承其后，故军中祀之。巫狂言景王大怒，曰：“当为县官，何故为贼？”有笑巫者辄病，军中惊动。时方望弟阳怨更始杀其兄，乃逆说樊崇等曰：“更始荒乱，政令不行，故将军得至于此，今将军拥百万之众，西向帝城，而无称号，名为盗贼，不可以久。不如立宗室，挟义诛伐。以此号令，谁敢不服？”崇等以为然，而巫言益甚。前及郑，乃相与议曰：“今迫近长安，而鬼神如此，当求刘氏共尊立之。”六月，遂立盆子为帝，自号建世元年。

初，赤眉过式，掠盆子及二兄恭、茂，皆在军中。恭少习《尚书》，略通大义。及随崇等降更始，即封为式侯。以明经数言事，拜侍中，从更始在长安。盆子与茂留军中，属右校卒史刘侠卿，主刍牧牛，号曰牛吏。及崇等欲立帝，求军中景王后者，得七十余人，唯盆子及前西安侯刘孝最为近属。崇等议曰：“闻天子将兵称上将军。”乃书札为符曰“上将军”，又以两空札置笥中，札，简也。笥，筐也。遂于郑北设坛场，祀城阳景王。诸三老、从事皆大会陛下，列盆子等三人居中立，以年次探札。盆子最幼，后探得符，诸将乃皆称臣拜。盆子时年十五，被发徒跣，敝衣赭汗，见众拜，恐畏欲啼。茂谓曰：“善藏符。”盆子即啮折弃之，复还依侠卿。侠卿为制绛单衣、半头赤帻、帻巾，所谓覆鬢也。直綦履，綦，履文也。盖直刺其文以为饰也。乘轩车大马，赤屏泥，绛襜絡，而犹从牧儿遨。

崇虽起勇力而为众所宗，然不知书数。徐宣故县狱吏，能通《易经》。遂共推宣为丞相，崇御史大夫，逢安左大司马，谢禄右大司马，自杨音以下皆为列卿。（《刘盆子传》）

甲子，前将军邓禹击更始定国公王匡于安邑，大破之，斩其将刘均。（《光武帝纪》上）

时王匡、张卬守河东，为邓禹所破，还奔长安。卬与诸将议曰：“赤眉近在郑、华阴间，旦暮且至。今独有长安，见灭不久，不如勒兵掠城中以自富，转攻所在，东归南阳，收宛王刘赐等兵。事若不集，复入湖池中为盗耳。”申屠建、廖湛等均以为然，共入说更始。更始怒不应，莫敢复言。及赤眉立刘盆子，更始使王匡、陈牧、成丹、赵萌屯新丰，李松军掘，《续汉志》曰：“新丰有鸿门亭。”掘城即此也。以拒之。（《刘玄传》）

秋七月辛未，拜前将军邓禹为大司徒。《邓禹传》云：“光武即位于鄗，使使者持节拜禹为大司徒。策曰：‘……百姓不亲，五品不训，汝作司徒，敬敷五教，五教在宽。【五品，五常也：父义，母慈，兄友，弟恭，子孝。言五常之教务在宽也。】今遣奉车都尉授印绶，封为鄆侯，食邑万户。敬之哉！’禹时年二十四。遂渡汾阴河，入夏阳。”丁丑，以野王令河南沁阳令王梁为大司空。《王梁传》云：“王梁字君严，渔阳安阳人也。为郡吏，太守彭宠以梁守狐奴【今北京顺义东北】令，与盖延、吴汉俱将兵南及世祖于广阿，拜偏将军。既拔邯郸，赐爵关内侯。从平河北，拜野王令，与河内太守寇恂南拒洛阳，北守天井关，朱鲔等不敢出兵，世祖以为梁功。及即位，议选大司空，而《赤伏符》曰‘王梁主卫作玄武’，【玄武，北方之神，龟蛇合体。】帝以野王卫之所徙，玄武水神之名，司空水土之官也，于是擢拜梁为大司空。封武强侯。”壬午，以大将军吴汉为大司马，偏将军景丹为骠骑大将军，《景丹传》云：“景丹字孙卿，冯翊栎阳人也。少学长安。王莽时举四科，【《东观记》曰：“王莽时举有德行、能言语、通政事、明文学之士。”】丹以言语为固德侯相……王郎起，丹与【耿】况共谋拒之。况使丹与子弇及寇恂等将兵南归世祖……遂从征河北。世祖即位，以谶文用平狄将军孙咸行大司马，众咸不悦。诏举可为大司马者，【《东观记》载谶文曰

“孙咸征狄”也。】群臣所推唯吴汉及丹。”大将军耿弇为建威大将军，偏将军盖延为虎牙大将军，偏将军朱祐为建义大将军，《朱祐传》校勘记：“朱祐 按：《刊误》谓案注引《东观记·安帝》讳，则此人当名祜。《集解》引《通鉴考异》谓当作‘示’旁‘古’之‘祜’，不当作‘示’旁‘右’之‘祐’。《校补》谓《范书》凡‘祐’字皆实‘祜’字，当由范氏别有所避耳，否则宋人述汉事，不应并安帝名亦改之也。”中坚将军杜茂为大将军。

时宗室刘茂自号“厌新将军”参看《泗水王歎传》，率众降，封为中山王。

己亥，幸怀今河南武陟西南。遣耿弇率强弩将军陈俊军五社津，备荥阳以东。使吴汉率朱祐及廷尉岑彭、执金吾贾复、扬化将军坚镡等十一将军围朱鲔于洛阳。

八月壬子，祭社稷。癸丑，祠高祖、太宗、世宗于怀宫。进幸河阳。更始廪丘王田立降。（《光武帝纪》上）

张卬、廖湛、胡殷、申屠建等与御史大夫隗嚣合谋，欲以立秋日驱牲时共劫更始，《前书音义》曰：“驱，兽。以立秋日祭兽。王者亦此日出猎，用祭宗庙。”冀州北郡以八月朝作饮食为腊，其俗语曰：“腊腊社伏。”俱成前计。《通鉴考异》曰：“《袁纪》云：‘申屠建等劝更始让帝位，更始不应，建等谋劫之。’今从《范书》。”侍中刘能卿知其谋，以告之。更始托病不出，召张卬等。卬等皆入，将悉诛之，唯隗嚣不至。更始狐疑，使卬等四人且待于外庐。卬与湛、殷疑有变，遂突出，独申屠建在，更始斩之。卬与湛、殷遂勒兵掠东西市。昏时，烧门入，战于宫中，更始大败。明旦，将妻子车骑百余，东奔赵萌于新丰。

更始复疑王匡、陈牧、成丹与张卬等同谋，乃并召入。牧、丹先至，即斩之。《集解》钱大昕曰：“《邓禹传》言，更始诸将王匡、胡殷、成丹等皆诣宗广降，则丹未尝斩也，二传必有一误。”《邓禹传》校勘记：“成丹”二字衍。王匡惧，将兵入长安，与张卬等合。李松还从更始，与赵萌共攻匡、卬于城内。连战月余，匡等败走，更始徙居长信宫。赤眉至高陵，匡等迎降之，遂共连兵而进。更始守城，使李松出

战，败，死者二千余人，赤眉生得松。时松弟泛为城门校尉，赤眉使使谓之曰：“开城门，活汝兄。”泛即开门。九月，赤眉入城。更始单骑走……

初，侍中刘恭以赤眉立其弟盆子，自系诏狱；闻更始败，乃出，步从至高陵，止传舍。右辅都尉严本“本”或作“平”，或作“丕”。恐失更始为赤眉所诛，将兵在外，号为屯卫而实囚之。赤眉下书曰：“圣公降者，封长沙王。过二十日，勿受。”更始遣刘恭请降，赤眉使其将谢禄往受之。（《刘玄传》）

九月辛未，诏曰：“《汉制度》曰：“帝之下书有四：一曰策书，二曰制书，三曰诏书，四曰诫敕。策书者，编简也，其制长二尺，短者半之，篆书，起年月日，称皇帝，以命诸侯王。三公以罪免亦赐策，而以隶书，用尺一木，两行，唯此为异也。制书者，帝者制度之命，其文曰制诏三公，皆玺封，尚书令印重封，露布州郡也。诏书者，诏，告也，其文曰告某官云云，如故事。诫敕者，谓敕刺史、太守，其文曰有诏敕某官。它皆仿此。”更始破败……朕甚愍之。今封更始为淮阳王。吏人敢有贼害者，罪同大逆。”

甲申，以前密今河南密县东南令卓茂为太傅。

辛卯，朱鲔举城降。详见《岑彭传》。

冬十月癸丑，车驾入洛阳，幸南宫却非殿，遂定都焉。

遣岑彭击荆州群贼。（《光武帝纪》上） 编者按：岑彭击荊州，《岑彭传》载于建武二年，云“下鄖、叶等十余城”。

卓茂字子康，南阳宛人也。父祖皆至郡守。茂，元帝时学于长安，事博士江生，江生，鲁人江翁也。昭帝时为博士，号《鲁诗》宗。见《前汉书》。习《诗》、《礼》及历算，究极师法，称为通儒。性宽仁恭爱。……

初辟丞相府史，事孔光，光称为长者。……后以儒术举为侍郎，给事黄门，迁密令。劳心谆谆，视人如子，举善而教，口无恶言，吏人亲爱而不忍欺之。……

更始立，以茂为侍中祭酒，从至长安，知更始政乱，以年老乞骸骨归。

时光武初即位，先访求茂，茂诣河阳谒见。《东观记》曰，茂时年七十余矣。乃下诏曰：“前密令卓茂……夫名冠天下，当受天下重赏……今以茂为太傅，封褒德侯，食邑二千户。《东观记》、《续汉书》皆作“宣德侯”。……建武四年，薨。（《卓茂传》）

更始遂随谢禄肉袒诣长乐宫，上玺绶于盆子。赤眉坐更始，置庭中，将杀之。刘恭、谢禄为请……竟得封长沙王。（《刘玄传》）

盆子居长乐宫，诸将日会论功，争言喧呼，拔剑击柱，《集解》惠栋曰：“《袁松山书》云：‘赤眉诸将自言欲为某王，欲得某官，争言号呼，拔剑击柱。’”不能相一。三辅郡县营长遣使贡献，《通鉴胡注》：“时三辅豪杰处处屯聚，各有营长。”兵士辄剽夺之。又数虏暴吏民，百姓保壁，由是皆复固守。（《刘盆子传》）

是时三辅连覆败，赤眉所过残贼，百姓不知所归。闻邓禹乘胜独克而师行有纪，皆望风相携负以迎军，降者日以千数，众号百万。禹所止辄停车住节，住或作柱。以劳来之。父老童稚，垂发戴白，满其车下，莫不感悦，于是名震关西。帝嘉之，数赐书褒美。

诸将豪杰皆劝禹径攻长安。禹曰：“不然。……赤眉新拔长安，财富充实，锋锐未可当也。……上郡、北地、安定三郡，土广人稀，饶谷多畜，吾且休兵北道，就粮养士，以观其弊，乃可图也。”于是引军北至栒邑今陕西旬邑东北。禹所到，击破赤眉别将诸营保，郡邑皆开门归附。（《邓禹传》）

十一月甲午，幸怀。

刘永自称天子。

十二月丙戌，至自怀。（《光武帝纪》上）

三辅苦赤眉暴虐，皆怜更始，而张卬等以为虑，谓谢禄曰：“今诸营长多欲篡圣公者。一旦失之，合兵攻公，自灭之道也。”于是

禄使从兵与更始共牧马于郊下，因令缢杀之。刘恭夜往收藏其尸。光武闻而伤焉。诏大司徒邓禹葬之于霸陵。

有三子：求、歆、鲤。明年夏，求兄弟与母东诣洛阳，帝封求为襄邑侯，奉更始祀；歆为谷孰侯，鲤为寿光侯。（《刘玄传》）

为名而有所推奉者，其志不坚；人为名而尊己者，其立不固；项梁之立怀王，新市、平林之立更始是已。……而士之处斯世也难矣！彼以名而立君，而我弗事焉，则世且责我以名义，顺而与之，则今日之输忱，且为他日党贼之地。苟或所以退不保其身，进不全其节也。……

更始不足以有为，史极言之，抑有溢恶之辞。……乃若更始之亡也，则舍洛阳而都长安也。……盖更始所任为大臣者，类皆群盗之长，贪长安之富盛……光武得士于崛起之中而任之，既无盗贼之习气；及天下甫定，复不以任三公，而别用深识之士，虚建西都，而定宅洛阳，以靖东方之寇：皆惩更始之失而反其道。（《读通鉴论》卷六：一、五）

至腊日，樊崇等乃设乐大会，盆子坐正殿，中黄门持兵在后，公卿皆列坐殿上。酒未行，其中一人出刀笔书谒欲贺，其余不知书者起请之，请其书己名也。各各屯聚，更相背向。大司农杨音按剑骂曰：“诸卿皆老庸也！今日设君臣之礼，反更叛乱，儿戏尚不如此，皆可格杀！”更相辩斗，而兵众遂各逾宫斩关，入掠酒肉，互相杀伤。卫尉诸葛稚闻之，勒兵入，格杀百余人，乃定。盆子惶恐，日夜啼泣，独与中黄门共卧起，唯得上观阁而不闻外事。

时掖庭中宫女犹有数百千人，自更始败后，幽闭殿内，掘庭中芦菔根，捕池鱼而食之，死者因相埋于宫中。（《刘盆子传》）

隗嚣亡归天水。复招聚其众，据故地，自称西州上将军。

及更始败，三辅耆老士大夫皆奔归嚣。

嚣素谦恭爱士，倾身引接为布衣交。以前王莽平河大尹长安谷恭为掌野大夫，平陵范逡为师友，赵秉、苏衡、郑兴为祭酒，申屠

刚、杜林为持书，持书即持书侍御史，秩六百石。《集解》：“惠栋曰：‘袁纪》作治书。’先谦曰：‘本作治书，避唐高宗讳改持。’”杨广、王遵、周宗及平襄人行巡、阿阳人王捷、长陵人王元为大将军，《东观记》曰：“元，杜陵人。”杜陵、金丹之属为宾客。《集解》惠栋曰：“丹尝续司马迁《史记》，见刘知几《史通》，故下云嚣宾客多文学生。案时班彪亦为嚣宾客，《彪集》有与金昭卿书，丹盖字昭卿也。”由此名震西州，闻于山东。（《隗嚣传》）

郑兴字少赣，河南开封人也。少学《公羊春秋》。晚善《左氏传》，遂积精深思，通达其旨，同学者皆师之。《东观记》曰：“兴从博士金子严为《左氏春秋》。”天凤中，将门人从刘歆讲正大义，《左氏》义也。歆美兴才，使撰条例、章句、传诂，及校《三统历》。《说文》曰：“诂，训古言也。”《三统历》，刘歆撰，谓夏、殷、周历也。

更始立……诸将皆山东人，咸劝留洛阳。兴说更始曰：“……今议者欲先定赤眉而后入关，是不识其本而争其末，恐国家之守转在函谷，言若不早都关中，有人先入，则国家镇守转在函谷也。虽卧洛阳，庸得安枕乎？”更始曰：“朕西决矣。”拜兴为谏议大夫，使安集关西及朔方、凉、益三州，还拜凉州刺史。会天水有反者，攻杀郡守，兴坐免。

时赤眉入关，东道不通，兴乃西归隗嚣，嚣虚心礼请，而兴耻为之屈，称疾不起。（《郑兴传》）

杜林字伯山，扶风茂陵人也，父邺，成哀间为凉州刺史。林少好学沈深……博洽多闻，时称通儒。《风俗通》曰：“儒者，区也。言其区别古今，居则习圣哲之词，动则行典籍之道，稽先王之制，立当时之事，此通儒也。若能纳而不能出，能言而不能行，讲诵而已，无能往来，此俗儒也。”

初为郡吏，王莽败，盗贼起，林与弟成及同郡范逡、孟冀等，将细弱俱客河西。（《杜林传》）

窦融字周公，扶风平陵人也。七世祖广国，孝文皇后之弟，封